

igitur Dulciarium suum Nicolaus ad tuſsim & thoracis vitia totum accommodauit, ita medicis pro varietate affectuum quibus laborant ægrotantes iam hæc que dicta sunt, iam alia quædam nucibus pineis, & amygdalis addi possunt. Sic utiq; in calidis affectibus in aromatum locum substitui possunt semina lactuæ, portulacæ, intybi, melonum, cucurbitæ, & cucumeris. Quod adijcendū esse duxi, vt subinde ad Marcios vocatos panes conſiendos pharmacopolæ instructiores effent.

DIA SPERMATON.

“Nicolai Myrepſici.

XLVIII.

Antidotus è seminibus confertad ea, ad quæ Antidotus exaniso, & cumino. Capit cumini, carei, ammeos, anisi, dauci, apij, petroselini, amomi ſemimum, añ^b drach. duas. Cinamomi, libystici, añ drach. vnam. Zingiberis, galangæ, cardamomi, caryophylli, spicæ, folij, añ drach. dimidiā. Seseleos, ſcrupulum vnum. Piperis longi, ^c ſcrup. dimidium. Sacchari albissimi.

ANNOTATIONES.

“Nicolai.) Est & alia è seminibus Mesuæ filij, huic per ſimilis, demptis ponderibus, quæ in Mesuæ filio ſunt maiora: & quod hic petroselini etiam mentio fit, quæ in Mesuæ deſcriptione deſideratur. Vtraq; concoctionem ventriculi iuuat, obſtructiones aperit, lienteriam ſanat, & dolores viſcerum à flatibus excitatos placat. Est digna quæ in uſum reuocetur, tum propter veteres, qui crebro ea uſi ſunt, tum propter miram ſuam facultatem.

^b Drachmas duas.) Nicolaus habet L α, id est, drachmam vnam, ſed minus recte. Est enim climax, ideoq; vt primum eius pondus fit drachmæ duæ oportet.

^c Scrupulum dimidiū.) Nicolaus habet grana quindecim, id est, ſcrupulum dimidiū, & grana tria. Nos ne Climacis rationem turbaremus, ſcrupulum dimidiū tantum de pipere adijcere volumus.

ANTIDOTVS CORDIALIS.

Incerti autoris.

XLIX.

Cor è pefſis contagione maximè conſeruat & tuetur. Accipit radicum diſtamni albi, ſiue pfeudodiſtamni, zedoariæ, herbæ tunicæ vocatae, ſeubetonicae altilis, tormentillæ, añ vnc. dimidiā. Radicis pimpinellæ, drach. tres. Diſtamni cretenſis, ſcordij, trifolij odorati, lignialoes, añ drach. duas. Sigilli Lemnij, boli armenij, corticum citri malij, croci, ſantalorum ruborum & alborum, ramentorum eboris, añ drach. vnam. Corallialbi & rubei, charabæ candidæ, vnicornu, phu, granatorum, margaritarum, hyacinthorum, añ ſcrup. duos. Serici crudi vſti, antheræ, maſtiches, añ drach. dimidiā. Oſſis cordis ceruini, ſcrup. vnu. Moſchi, ambre, añ ſcrup. dimid. Sacchari albissimi, qd ſatis eſt.

DE MEDICAMENTIS TUM LENIENTIBVS

ALVVM, TUM PVRGANTIBVS, LIQVIDIS E T
ſolidis, Sectio quinta.

FLORES CASIAE NIGRAE.

I.



ILIQVAE casiae ponderoſæ, & quæ concuſſæ non reſonant, aperiuntur, ac contenta in illis medulla cum lami- nis & ſeminibus ſuis eximitur. Exempta ſuperangustū, ſetisq; equinis contextum inuerſum cribrum proſciuntur. Post cribro ſupra feruentis aquæ vaporem imposito, medulla casiae aueroſo cochlearis conuexo hinc inde tra- ductur, vt per cribrum paulatim traiſciatur. Quicquid verò medullæ hac ratione per cribrum trajectū eſt, con-

T iii festim

festim subinde aufertur, ne scilicet plus quam conueniat vaporis aquae similitudine.
Idque tantisper faciendum, donec ^b quantum voles collegeris.

ANNOTATIONES.

Flos Casiae.

^a *Flores Casiae.*) Differunt a Casia extracta, de qua sequenti capite dicemus. Nam flos Casiae est eius medulla, sive pulpa sincera, quae citra ullum decoctum ex siliquis exempta est. Proinde idem quod Casia potest: nempe bilem & pituitam innoxie a ventriculo lenitudo aluum deducit, ac sanguinis biliosi, ipsiusque bilis acrimoniam frangit, sanguinemque puriore reddit. Thoracis, pulmonis, & asperae arteriae phlegmonas resoluit, easque partes lenit: ipse morsus omnis expers, praesertim cum succo vel serapio glycyrrhiza sumptus. Denique intemperiem renum calidam mitigat, cum ijs qua vrinam mouent sumptus, & in ijs calculum gigni prohibet.

Vt Casiae flos validius alium ducat.

^b *Quantum voles colligere.*) Nam multa eius copia una vice eximenda non erit, quod depositus faciliter aescat. Qui, ut vehementius moueat aluum, Casiae flore efficere cupiunt, iij in feruentem ac bullientem aquam folia Persici, aut eiusdem flores projiciunt. Horum siquidem vapor ex aqua sublatus, & flori Casiae permixtus, efficit ut aluum magis ducat.

CASIA EXTRACTA SINE
folijs Senæ.

II.

Recipit prunorum numero duodecim. Violarum, manipulum unum. Hordei repurgati, anisi, polypodijs, seminis cartami, ann drach. quinq. ^b Adianti, thymi, epithymi, ann manipulum dimidium. Passularum, vnc. dimidiam. Seminis foeniculi, drach. duras. Seminis portulacæ, & malvae, ann drach. tres. Glycyrrhizæ, vnc. dimidiam. Coquantur in aqua iustæ quantitatis, colentur, & in colatura diluantur medullæ casiae, libra duæ. Tamarindorum, vnc. vna. Cinnamomi, drach. tres. Sacchari optimi, libra vna. Coquantur ad perfectam consistentiam.

ANNOTATIONES.

Casia extracta.

^a *Casia extracta* est, quæ ope iam dicti decoctæ è siliquis extrahitur, medulla. Siliquas quoque hoc decocto interiore parte nonnulli collidunt, ac subinde alijs hic commemoratis adiectis, ad consistentiam coquunt, ac Casiam extractam nominant. Sunt qui pro Casiae medulla extrahenda, sequenti decocto uti malint, quod habet, Florum violarum, manipulum unum, & dimidium. Florum borraginis, buglossi, intybi, cichorij, ann Manipulum unum. Prunorum damascenorum, numero quindecim. Passularum, vnc. vnam. Glycyrrhizæ, vnc. dimidiam. Oxyphœnicon, vnc. vnam. Ficuum, numero sex. Corticum myrobalanorum flauorum, chebulorum, ann vnc. dimidiam. Thymi, epithymi, ann drach. tres. Cinamomi, drach. duas, & dimidiam. Santali rubei, drach. dimidiam. Seminis foeniculi, drach. vnam, & dimidiam. Contusa maceferuntur in tribus libris aqua horis 24. dein bullant, & decoquantur ad tertias: postea a validè exprimantur, & adjiciatur Sacchari, libra dimidia. In hoc decocto medullæ casiae è siliquis extractæ diluantur libra tres, & decoquantur ad consistentiam.

Adiantum.

^b *Adianti.*) Officinae noua appellatione Capillum veneris nominant,

CASIA EXTRACTA CVM
folijs Senæ.

III.

Expedite aluum subducit, intestinorum asperitatem lenit, & morbis biliosis ac melancholicis auxiliatur. Accipit casiae sine folijs Senæ extractæ, libras duas. Pulueris foliorum Senæ, vnc. duas. Commisceantur, & ad legitimam consistentiam redigantur.

CASIA EXTRACTA PRO
clysteribus.

IV.

Capit violarum florum, violarum foliorum, malvae, mercurialis, betæ, ^a cicerariæ, ann manipulum unum. Coquantur in aqua iustæ quantitatis, & horum

horum decocto medulla casiae extrahatur, eiusque siliquæ eluantur. Dein accipiatur medullæ casiae hoc modo exemptæ, & ad consistentiam coctæ, libravna. Sacchari, libravna, & dimidia, & coquantur ad perfectam consistentiam.

ANNOTATIO.

Hæc Casia iniecta per clysterem, aluum leniter, & citra omnem molestiam subducit estq; pro delicatulis ac mollioribus aptissima.

DIA CASSIA CVM MANNÀ.

Incerti autoris.

V.

Confertis qui dura sunt aluo. hanc enim leniter & citra molestiam subducit, ac flauam educit bilem, febresque inde natas mitigat. Habet prunorum damascenorum, vnc. duas. Florum violarum, Manipulum vnum, & dimidiū. Aquæ fontanæ, vnc. decem & octo. Bulliant usq; ad medietatis consumptiōnem, coalentur, & in colatura diluantur medullæ casiae, vnc. sex. ^b Pulpæ tamarindorum, vnc. vna. Mannæ optimæ, vnc. duæ. Serapij violacei, vnc. quatuor. Sacchari candidi, sacchari penidi, aī vnc. vna. Sacchari violacei, vnc. quatuor. Commisceantur, & ad iustum redigantur consistentiam.

ANNOTATIONES.

^a *Diacasis.*) Non est in frequenti medentium visu: tamen quum pleriq; varietate delectentur, eaq; compositione vtantur, silentio transire illam noluimus.

^b *Pulpæ tamarindorum.*) Hæc quidem instar florum Casiae fit, Tamarindis per cribrum ^{indorum.} è pilis equinis contextum, angustumq; traeftis.

DIA MANNA, NICOLAI.

VI.

Prodest ad purgandum sanguinem, flauram & atram bilem reprimendam, adiecur calefactum, & vniuersi corporis purgationem. Capit adianti, ^b scolopendri, ^c lichenis, aī vnc. tres. Seminum cucurbitæ, citruli, cucumeris, melonis repurgatorum, violarum, aī vnc. vnam. Prunorum damascenorum, numero viginti. Coquantur in sufficiēti aqua ad dimidiās, deinceps coalentur & exprimantur: inq; colatura diluantur manna optimæ, sacchari violacei, medullæ casiae recens extractæ, aī vnc. quatuor. Tamarindorum, sacchari rosacei, aī vncia vna. Coquantur ad mellis consistentiam, & deinde sequentes inijscantur species, quæ habent seminum quatuor frigidorum decorticatoū, florum violarum, & nymphæ, seminum lactucæ, ^d intybi angustifoliæ, portulacæ, aī vnc. vnam. Rheubarbari, foliorum senæ, aī vnc. vnam, & drach. vnam. His accurate permistis & subactis, fiat electuarium.

ANNOTATIONES.

^a *Nicolaj.*) Non extat, quod sciam, in Greco manuscripto Nicolai codice. Ex Latinis igitur desumpta est, & in plerisq; officinis vfitata.

^b *Scolopendri.*) Hoc nomine intelligenda stirps erit, quæ Sephasis barbara voce Cetera dicitur, ut alibi fuisse docuimus.

^c *Lichenis.*) Lichen herba est, quæ officinis Hepatica nominatur.

^d *Intybi angustifoliæ.*) Vulgus medicorum Scariolam vocat.

Scolopendri.

Lichen.

Intybum angustifolium.

ELECTVARIVM LENITIVVM,

Incerti autoris.

VII.

Valeat in febribus ex humorum putredine natis, & pleuritiide. Emollit animalium, & vtranq; bilem sine molestia & innoxie educit. Accipit pafularum, exemptis aciniis, vnc. duas. ^a Adianti nigri, violarum, hordei repurgati, aī Manipulum vnum. ^b Ziziphorum, ^c myxorum, aī numero viginti. Glycyrrhizæ,

T. iiiij cyrrhizæ,

cyrrhizæ, vnciam dimidiām. Prunorum exemptis nucleis, tamar Indorum, aī drach. sex. Senæ, polipodij, aī vnc. duas. Mercurialis, manipulum vnum, & dimidium. Decoquantur ex præscripto artis in aqua iustæ quantitatis, deīn per colum traijciuntur: & colaturæ addantur medullæ casiaæ, pulpaæ ^d oxyphœnicæ, pulpæ prunorum, sacchari optimi, sacchari violacei, aī vnc. sex. Pulueris senæ, vnc. tres, drach. tres, & dimidia. Coquantur ad consistentiam perfectam, & fiat electuarium.

ANNOTATIONES.

Adiantum nigrum.

^a *Adianti nigri*) Adiantum nigrum, est altera Capilli veneris species: quam in primo nostrorum de Stirpium historia commentariorum tomo descripsimus, & pinximus. Niī quis Trichomanes hoc nomine accipere velit.

Zizipha.

^b *Zizipha*) Fructus sunt officinis Iuiubæ dicti.

Myxa.

^c *Myxorum*) Myxa fructus sunt, qui Seplasij hodie Sebesten nominantur.

Oxyphœnica.

^d *Oxyphœnicæ* sunt fructus, quos Tamar indos appellant, quod lib. 1. quoq; diximus, ad quem perpetuo in ignotis distinctionibus pharmacopœi cōfugere debent.

MEDULLA SEV PULPA
prunorum.

VIII.

Calore, ac sitim in febribus mitiat & extinguit. Recipiuntur pruna grandia, acida & vinosæ, quantitate qualibet: & exemptis nucleis in fustili vitreato coquuntur, deīn per cibrū setaceum traijciuntur. Traiecta medulla iterum lento igne ad iustum consistentiam coquitur, & sine saccharo reponitur.

ANTIDOTVS E DAMASCENIS
prunis. Nicolai Myrepisci.

IX.

Facit ad acutas, ardentes, omnesq; alias febres, nempe tertianas continuas, hecicas, marasnodes, lipyrias, & in summa ad omnem febrilem affectum. Capit pruna Damascena centum. Hec in aqua ^b iustæ quantitatis decoquuntur, quoad tertia pars aquæ absumpta fuerit, deīn ab igne remouentur. & vbimodice refrixerunt, subiguntur, & probè manibus cōfricantur, tantisper dum caro eorū omnis dissoluitur in aqua: & ossa duntaxat, & cortices remaneant. Postea cibro raro transmittuntur, relicto hoc iure, ^d aliaq; accepta aqua, illi impununtur violarum vnc. dimidia. Sacchari libræ duæ, & lento igne ad mellis, aut ^e Serapij crassitudinem decoquuntur. Deīn ab igne remouentur, & per saccum transfunduntur. Hoc peracto, accipitur de aqua prunorum Damascenorum, quæ prius per cibrum transfusa, & in succum redacta fuit, libravna, & commiscetur cum ^f Serapio violarum, simulq; iterum builliant, donec vtraq; ad mellis consistentiam veniat. Deīn ab igne deponuntur, & sumuntur, accipiturq; Oxyphœnicorum, medullæ casiaæ extractæ, aī vnc. vna, & cum aqua altera calida probè subiguntur, ac subacta per saccum transfunduntur: atq; hæc eademaqua rursus coniicitur in lebetem, in quo est succus prunorum & serapium. Vbi probè ^G simul subacta fuerunt, iterum ^b calido cineri imponuntur, & posteaquam vna ebullitione in altum sublata fuerunt, ab igne remouentur, & rudicula aut cochleario probè agitantur. Deīn iniiciuntur Santali albi & rubei, ^h spodij, ⁱ rheubarbari, aī drach. tres. Rosarum, violarum, seminis portulacæ, ^j intybi, ^k oxyanthæ, succi glycyrrhizæ, tragacanthæ, aī drach. duæ. Seminum melonum, cucumeris, cucurbitæ, citruli repurgatorum, aī ^H drach. duas. Omnia hæc simul trita, & per cibrum probè traiecta, lebeti, vt dictum est, iniiciuntur, & caiefacta, simulq; subacta in vase reconduntur. Quod si, vt hæc Antidotus aluum subducata ac purget, efficere volueris, vbi ab igne illam remoueris, admisce dare dij, k drach. quatuor, in singulas libras.

* *Berberis.*

ANNO-

ANNOTATIONES.

a *EDamascenis prunis.*) Nicolaus hanc Antidotum ita vocat, nempe ἀντιδότορον πρύνην.
Diaprunum alij, officina Diaprunis nominant: & eam quidem quæ citra Da. *Diaprunis*
crydij adiectionem constat, simplicem: eam verò quæ dacrydium recipit, Solutuam ap. *simplex.*
Solutua.
pellant.

b *Inst. et quantitatis.*) Tanta nimirum, quæ pruna tegere queat.

c *Quoad tertia pars.*) Sic habet Nicolai codex manuscriptus Græcus, quem in hac de-
scribenda Antidoto secutus sum. Latini codices Pruna percoquenda esse vsq; ad dissolu-
tionem præcipiunt: quod in idem recidit cum eo quod paulo post Nicolaus ait, tantisper
manibus esse confricanda, donec caro eorum omnis dissoluatur.

d *Aliaq; accepta aqua.*) Hic plurimum variant latini codices, ac aquam in qua pruna
bullierunt, accipiendam esse præcipiunt, & in ea dimidiā vnciā violarum cum sacchari
duabus libris coquendam esse docent.

e *Serapij.*) Serapium vocamus id, quod vulgus pharmacopœorum & medicorum Sy- *Serapium.*
rupum nominant.

f *Serapio violarum.*) Quod scilicet ex alia aqua, violis, & saccharo confectum est.

g *Et cum aqua altera calida.*) Et hic iterum variant Latini codices: & Oxyphœnica, seu
Tamar indos, & casiam extractam cum aqua prunorum, ad crassitudinem decocta per-
missendam, & subigendam esse iubent.

G *Simul subalta.*) Quod sane hic & in omnibus medicamentis purgantibus obseruan-
dum erit. Sic enim in illis omnia ligneo pistillo & rudicula miscenda sunt, ut omnia vnum
& idem tum consistentia, tum colore esse videantur. Si enim negligenter commiscetur,
sapienter venire solet ut species in vna parte quasi congregentur, in alia verò vix sensu
percipi queant. Vnde profecto ægris non parum periculi est, medicis verò & pharmaco-
pœis ignominie ac calumniæ occasionem affert.

h *Calido cineri.*) Aut lento igni, ut Latini habent codices, admouentur.

§ *Spodij.*) Hoc etiam in loco Spodium intelligit Myrepſus id, quod alio nomine Ebur
vſtum dicitur. Habet enim id, perinde atq; Santala, adstringendi ac roborandi facultatem,
ut iam se penumero monuimus. Ne scilicet per hoc quispiam imperitus Spodium Græco-
rum, aut cannæ dictum inaudiat.

¶ Notat me hoc quoq; in loco Franciscus Alexander, quod post rhei barbari mentio-
nem cinnamomum omiserim, qualis verò mihi inferendū huic compositioni fuerat, quod
in græco codice desiderabatur. Scio quidem eius fieri mentionem in Nicolai Præpositi co-
dice, mirari autem satis non possum, cur hoc loco eius lectionem sequi voluerit, quem ta-
men in Hieral legadij disertis verbis scribit, neq; literas scire, neq; natare, & omnia peruer-
tisse, deprauasse, ac corrupisse, atq; à Myrepſi mente abalienasse. Et quare adjiceremus,
tanta præsertim copia, cinnamomum, quum hoc antidotum ad extinguendum febrilem
calorem potissimum sit paratum? Sed voluit Matthiolum, quem tamen hoc nomine re-
prehendit nunquam non, imitari Franciscus, non sine multorum risu.

i *Intybi.*) Simpliciter in Græco manuscripto Nicolai codice στίχοις. Latini habent Sca- *Intybum.*
riola, & ad angustifolium Intybum detorquent. Verum nihil refert, ut sapienter iam diximus,
Scariola aut Endiuæ vocatae herbae semen accipient pharmacopœi, quum eiusdem esse
vtrasp; facultatis constet. Legitimo autem de Intybo mihi sermo est, non de adulterino,
quod est Lactuca sylvestris, ut lib. i. quoq; monuimus.

H *Drachman vnam.*) Negare non possum, me in Myrepſo conuertisse drachmas duas,
quia ille habeat L. Quia verò quum codicem græcum inspicrem, video me in margine
alteram etiam annotasse lectionē, quod nimirum aliqui pro L, legerent &c. Sed ne alij Præ-
positi illius depravatoris me temere motum autoritate dicerent, mutata hac lectione, My
repſi ut præferrem placuit. Habet igitur nunc eius varietas rationem Franciscus. Quod
non usquequaq; meam lectionem sequitur, id & ego facio.

k *Drachmas quatuor.*) Nicolaus græcus non exprimit pondus. Latini autem codices
habent, Septem drachmarum pondus. Sunt autem ex pharmacopœis qui plus, & qui mi-
nus dacrydij adiiciunt. Alij enim ad singulas libras vnciam vnam dacrydij, alijs vnciam
dimidiā, siccip; medicis ignorantibus mirificè imponunt. Nam tum accidere solet ut me-
dicamentum exhibitum vel vehementius, vel minus quam existimat aut sperarint pur-
get. Præstat autem in medio consistere, & ad singulas libras addere dacrydij vnciam dimi-
diā. Cæterum codex Nicolai Cinamomum non habet, ideo nos quoq; illud omisimus.
Cucumeris autem disertè meminit, quare omitti non debet. Quæ adiicere propter Cor- *Cordus.*
dum voluimus, qui diuersum in suo medicamentario libro annotauit.

ELECTVARIVM "E MYXIS. MONTAGNANAЕ.

Confert febribus biliosis intermittentibus, ac continuis exquisitis, febribus vehementiam sedat, sitim extinguit, vigilias arcet, & acres humores per virinam educit. Habet myxorum recentium sine ossibus, vnc. quincq. **b** Macerentur in libra vna aqua stillaticie violarum, deinde bulliant & colentur. De cocto percolato admisceantur aquarum iridis, **c** anguriæ, añ vnc. sex. Prunorum siccorum contusorum, oxyphœnicōn, añ vnc. quincq. Seminum cucurbitæ, cucumberis, melonum, citrulī, añ vnc. vna, & dimidia. Succi mercurialis, vnc. quatuor. Coquantur ad dimidias, dein validè exprimantur, ac colo traiçiantur, adjicantur **c** penidiorum vnc. octo. Antidotū ē prunis simplicis, libra vna, & dimidia. **d** Dacrydij, drach. tres. Misceantur, & formetur electuarium. Propinatur pondere vnciæ vnius.

ANNOTATIONES.

Myxa.

a E myxis.) Myxa recentioribus Græcis, ut iam aliquoties diximus, & Myxaria per diminutionem dicta, officinis Sebesten vocantur. Quapropter præsens Electuarium Seplastrijs, & medicis hodie Electuarium de Sebesten appellatur.

Electuarium

b Macerantur.) Non latet, alios alia ratione hoc medicamentum parare: tamen hæc vide Sebesten. sa est mihi melior.

Anguria.

c Anguriæ.) Anguria non est nisi Cucumis omnis generis: & nequaquam, vt Cordus Cordus errat. annotauit, Melon magnus. Nam quod veteres Græci τίκνον, Aëtius, Simeon Sethi, Nicola-

Aqua angu-

us, & alij recentiores Græci ἀγριαν nominant. Per aquam igitur Anguriæ, Montagnana

rie.

intelligit succum Cucumberis: & per aquam iridis, succum iridis. Et hoc loco me pungit **Aqua iridis.** Franciscus Alexander, falsò perstringit, quod flores violarū & citrulōs omiserim, quum bona fide Montagnanæ compositionem ad verbum ex eius libro descripsérím, in quo florū violarum nulla sit mentio. Quid enim attineret illos adjicere, quum libra integra aquæ stillaticie earundem ingrediatur. Citrulorum vero vnciam & dimidiā inserui.

Dacrydium.

d Dacrydij.) Dacrydium est, id quod corrupta voce officinis, & vulgo medicorum Diagridium dicitur, ut iam aliquoties monuimus.

*HIERA b VETERVM SIMPLEX.

XI.

Hiera sim-

Hiera veterum simplex hodie appellata, præstantissimum medicamentum est advitiosos succos, qui in ventriculi tunicis hærent. Ut iliter quoq; exhibetur ijs qui suffusorum imagines, & alia symptomata ex stomachivitio patiuntur: & præterea ijs qui alio adstricta sunt, & mulieribus quæ non probè purgantur. Accipit cinamomi, xylobalsami, asari, spicæ nardi, croci, chiaæ mastiches, añ drach. sex. **c** Aloës, drach. **d** centum. Mellis despumati, quod satis est.

ANNOTATIONES.

Hiera vnde**dicta.****Picra.****Hiera non à****Galenō in-****nuenta.****Aloës.****Error phar-**

a Hiera.) Ita nominarunt Græci, quasi sacram, ab operibus & facultatibus suis diuinis & mirabilibus: aut certè quasi magnam. Solenne enim est Græcis ἡρός appellare magnum. Magna itaq; est, propter excellentes suas facultates. Iisdem quoq; picra, vt hodie etiam, vocabatur: id est, amara, ob aloë, quæ mirificè amara est, & magna copia eius compositioni ingreditur.

Hiera non à**Galenō in-****nuenta.****Aloës.****Error phar-**

b Veterum.) Quod adiecumus, ad detegendum errorem eorum, qui hieram hanc Galeni esse putant. Neq; enim à Galeno inuenta, sed multis ante ipsum annis celebrata fuit à Themisone, Asclepiade, & alijs quibusdam usurpata. Sicq; Romæ Galeni temporibus parabatur.

c Aloës.) Simpliciter effertur, quod hanc dupliciter confectionam habuerunt: vnam ex elota aloë, alteram ex non lota. Prior aluum minus subducit, & ventriculum magis roborat. Si quidem lora aloë multum medicamentosæ facultatis deposuit. Altera magis aluum subducit, & minus roborat. Posset itaq; vtroq; modo à pharmacopœis parari, & prior appellari Hiera simplex cum aloë lota: altera vero cum aloë illota.

d Centum.) Hinc patefit error officinarum nostrarum, quæ ad omnia simplicia simul sumptu.

fūmpta duplam, id est, septuaginta duarum drachmarum tantum aloēn, idēq; ex Mēsūt̄ si= macopœorū, lij autoritate, admiscent, quum veteres triplam eiusdem portionem reliquis misquerint: Nam pro aliorum cuiusq; drachmis sex, quæ in vniuersum sunt triginta sex, adjiciunt aloēs centum drachmas. Hinc est quōd hieræ picræ veterum siccæ drachma vna probè purgat, quum vulgaris officinarum hieræ siccæ drachma vna, & dimidia, parum sit efficax. Adeo ut interdum ad duas, & plures etiā progrediendum sit. Debent itaq; deinceps phar-macopœi Hieram ad modum à veteribus, aut Galeno præscriptum parare.

HIERA & GALENI.

XII.

IDem quod prior potest. Recipit cīnamomī, xylobalsamī, asari, spicæ nardi, mastiches chīæ, aī drach. sex. ^b Croci, drach. quinq;. Aloēs, drach. nonaginta. Mellis despumati quantum sufficit.

ANNOTATIONES.

^a Hæc Hieræ meritò Galeni dicitur, quod ea, vt metipse lib. 2. de Compos. medic. locum, cap. 9. testatur, vsus sit, nec temerè. Nam ad eum constructa modum præstantior est. Siquidem nimiam aloēs copiam centum drachmas esse idem docet, ad proportionem reliquorum quibus hæ adduntur: quapropter per nonaginta duntaxat drachmas Hieram composit.

^b Croci, drach. quinq;.) Crocum parcus misceri voluit Galenus: quod sint, quorum capita Crocus odore suo ferit.

HIERA CVM AGARICO.

XIII.

HAbet specierum hieræ simplicis sine aloē, agarici trochiscati, aī vnc. dimidiam. Aloes illotæ, vnc. vnam. Mellis despumati, vnc. sex.

HIERA COMPOSITA,

Nicolai Myrepisci.

XIV.

FAcit ad vitium stomachi, & cruditatem, ileum, subuersiones, capitis dolores, hemicraniam, lienosos, fecinerosos, stomachicos, & vomentes cibum. Similiter anginosos, epilepticos, distillatione laborantes iuuat. Capit cīnamomi, spicæ nardi, croci, florū iuncī odorati, asari, casiae lignæ, xylobalsamī, car-pobalsamī, violarum, absinthij, epithymi, agarici, rōsarum, turpeti, mastiches, pulpæ colocynthidis, aī ^a drach. dimidiā. Aloes flauæ, ^b quantum omnium aliarum specierum. Mellis optimi despumati, quod satis est. Datur pondere vna & dimidiæ.

ANNOTATIONES.

Ad enematum vsus valde utilis.

^a Drach. dimidiā.) Cordus habet scrupulos duos. Sed nos fidem Græci codicis secuti Cor-dus sumus, qui habet drachmam dimidiā.

^b Quantum omnium aliarum specierum.) Id est, drachmas octo.

HIERA & LOGADII.

Nicolai Myrepisci.

XV.

Mala diuturna ex melancholia facta transmutat, & propulsat. Appétentiā excitat, & robur corpori inducit, ægrotantemq; hilarē reddit. Comitiale morbo laborantib. vertiginosis, subito cōcidentibus, spumantibus & linguam mordentibus conuulsi, ita vt putentur ab aliquib. à demone obsesi esse; confert. Biliosis, & elephantia correptis inter initia cōuenit. Prodest ijs qui feras impetiginibus laborant, lethargicis, & ijs qui inuoluntarie alii excrementa emittunt,

emittunt, potissimum vero ijs qui lethalia venena hauserunt. Dolorem quo^c sedat, & iocinerosis vtilis est. Datur etiam pleuriticis, & ijs quibus pericardium laborat. Educit enim vitiosos humores, & mouet mulierum menstrua. Ischiadicis, & lumborum dolore infestatis admodum competere creditur, & omnibus diuturnis vitijs, ter singulis mensibus sumpta. Accipit pulpæ colocynthidis, polypodij, aⁿb drach. duas. Eusorbijs, c polij, coccognidij, aⁿ drach. vnam, & dimidiā, grana sex. Absinthij, myrrhæ, aⁿ drach. vnam, grana duodecim. Centaurij minoris, agarici, ammoniaci thymiamatis, folij, d scillæ, spicæ, dacrydij, aⁿe drach. vitam. Aloes flauæ, f corymborum thymi, casiae ligneæ, chamedryos, bdellij, marrubij, aⁿ g scrup. vnum, grana quatuordecim. Cinamomi, oponacis, castorij, aristolochia longæ, trium piperum, croci, sagapeni, seminis petroselinii, aⁿ drach. dimidiā. Elleborinigri & albi, b grana sex. Mellis despumat, quod satis est. Datur pondereretur trium drachmarum.

ANNOTATIONES.

Cordus.

a *Hiera Logadij.*) Sic recte inscribitur, Aetio & Nicolao testibus hæc compositio. Cordus secutus Latina & mendoza exemplaria, Hieralogodion inscripsit. Latini autem codices Nicolai prepositi nominati, Hieralogodion memphitum appellant, quum tamen Hiera logadij Memphis apud græcum Nicolaum ab ea sit diuersa. Ridiculum autem est, quod in huius vocis interpretatione affert Platearius. Siquidem ille ait, Dicta est hiera, id est, sacra: & logos, sermo: & memphitum, impedimentum, curat enim impedit locutionem. Reint dicit punis dñb. Quid hac interpretatione ineptius configi potuisset? quum satis constet, Logadium proprium esse nomen eius, qui huius Hieræ autor fuit. Is Memphis dictus est ab oppido Memphis, vnde oriundus fuit. Sed mittamus has ineptias.

b *Drach. duas.*) Nicolaus græcus manuscriptus habet disertè Drachmas duas. Quapropter non est legendum vncias duas, ut in nonnullis mendosis exemplaribus scriptum reperitur.

Polum.

c *Polij.*) Simpliciter legitur tam in Græco, quam in Latino codice. Montanum igitur intelligitur.

Cordus.

d *Scillæ.*) Simpliciter est in omnibus latinis & græcis Nicolai codicibus. Cordus autem assata, ex Aetio adiecit.

Nicolai loci restitu-

e *Drach. vna.*) In græco Nicolai codice est Vncia vna. Sed videtur hoc pondus esse nimium, adeo^c locus madosus: quod etiam testantur Latini codices, in quibus omnibus legitur Drachma vna.

Corymbi

f *Corymborum thymi.*) Corymbos alij comas nominant, quod in idem recidit. Intelligit enim summitates, sive cacumina Thymi.

Cordus errat.

g *Scrupul. vnum.*) Ita Græcus manuscriptus Nicolai codex habet. Quare Cordus non recte immutauit hoc in loco podus, & pro scrupulo uno substituit scrupulos duos, quum constet, Latinum quo^c codicem duntaxat scrupulum vnum habere.

h *Grana sex.*) Manuscriptus Nicolai codex legit Drachmas sex, sed repugnatibus omnibus Latinis exemplaribus. Accedit, quod plusquam dimidia huius Antidotis pars ex purgantibus medicamentis constet, etiam si grana sex tantum de Elleboris accipientur. Quapropter censeo sufficere grana sex.

HIERA PACCHII & SCRI-

bonij Largi.

XVI.

Sicut morbo comitiali correptos, furiosos, vertigine laborantes, diutino capitis dolore infestatos. Item ad lateris dolores facit, asthmaticos, vocem amissam, subitas præfocationes, incubum, conuulsionem caninam vocatam: ad eos qui exalto lapsi sunt, neruorum tensiones, resolutionesq;. Prodest articulæ rimirbo, ad spinæ ac lumborum dolores. Item podagræ mirificè auxiliatur. Duritias in mulierum mammis cum dolore consistentes leuat, & interdum exinter gro sanat. Stomachicis mirum in modum confert. Remedio est ijs, quibus cibus

cibus in ventriculo acescit, & nausea assidue infestatur, & saliva abundant. Melancholicis autem præcipue benefacit. Recipit stichadis, marrubij, ^bchamædryos, agarici, colocynthidis, añ drach. decem. Opopanax, sagapeni, semi-nis petroselini, ^daristolochiae rotundæ, piperis albi, añ drach. quinq. Cinamomi, spicæ nardi, myrræ, ^epolij, croci, añ drach. quatuor. Opopanax & sagapenum in mortario teruntur, adiecto melle tenui: id est, quam liquidissimo. Cætera arida trita & eribrata melle despumato, ad comprehendendum ac continendum sufficienti excipiuntur.

ANNOTATIONES.

^a Scribonij Largi.) Qui libri sui de Compositione medicamentorum cap. 97. & sequentibus aliquot, hanc Hieram ad Pacchium Antiochum auditorem Phelenidis Catinensis autorem refert, & miris laudibus in cœlum vsq effert. Siquidem illum, ex ea magnum, ob crebros successus, quæstum fecisse in difficilimis vitijs idem testatur. Nec se viuo vlli compositionem hanc dedit, sed post eius mortem in manus suas venisse scribit. Et quum alij etiam qui hac Hiera vñ sunt, eius efficaciam aliquoties experti sint, præstat in nostris etiam officinis hanc constructam habere: atq vt paratam omnes habeant, hortor. Nicolaus hanc itidem describit Sectione 23. atqui appellat Hieram è Marrubio. ^{Pacchius.}

^b Chamædryos.) In Nicolao est, χαμαδρότονος: aut mendose pro χαμαδρίῳ, vt in Scri-rubio. bonio legitur, scriptum: aut vox noua, idem quod χαμαδρίῳ significans.

^c Drachmas decem.) In Scribonio, vt Romano, veluti nonnullis videtur, scriptore, est pondus Romanum, nempe denarius, drachma paulo grauius: propterea quod septem denarij constituant vnciam, quum non nisi octo drachmæ vnciam faciant. Nos Nicolaum, & solennem iam consuetudinem sequentes, vñstatum officinis pondus usurpare maluimus.

^d Aristolochiae rotunda.) In Scribonio est, Mali terræ. Non est autem malum terræ, nisi ^{Malū terræ.} Aristolochia rotunda: quod radicem habeat instar mali rotundæ, in terra harentem.

^e Polij.) Scribonius habet Folij. Sed quum in Nicolao sit Polij, & folium hodie verum non agnoscat, præstat Polium sumere quam folium.

HIERA EX COLOCYNTHIDE.

Nicolai Myrepisci.

XVII.

Confert ad capitib dolorem, vertiginem, morbum comitiale, cholericos, melancholicos, pituitosos, quartanos, hydropticos, pleuriticos, nephriticos, resolutos, stomachicos, morbo regio correptos, lienosos, iocineros, lethargicos. Arterie raucitatem sanat, & vniuerso corporis sanitatem affert. Habet aloes flauæ, seminis petroselini, absinthij, piperis nigri, añ drach. duas, scrup. duos. Colocynthidis, scillæ assatæ, agarici, ellebori nigri, ammoniaci, sulphuris, hyperici, añ drachmas duras. Epithymi, polypodij, bdellij, succi chamædryos, ^bbrassicæ tenuis, caliæ, añ vnciam dimidiæ. Myrræ, sagapeni, aristolochiae longæ, piperis albi, longi, cinamomi, opopanacis, castori, añ vnciam vnam. Mellis optimi despumati, quod satis est.

ANNOTATIONES.

^a Ex Colocynthide.) Nicolaus Magnam Galeni nominat, nec immerit: quia ea est quam ^{Hiera magna} Galenus crebro usurpauit, præsertim lib. 1. de Compositione medicament. local. capite 2. Galeni. & Hieram ex colocynthide vocat: vt alibi fusius monstrauimus. Et est bona admodum compositio Hieræ, & digna quæ in usum reuocetur, & in omnibus officinis parata habetur.

^b Brassicæ tenuis.) Nicolaus habet, Brassicæ exiguae. Exiguam autem vocat, quæ te- ^{Braßica te-} nuia, & minora quam alia genera, folia obtinet; quam nos hic, & alibi Tenuem appellauimus.

ANTIDOTVS E PSYLLIO.

Nicolai Myrepisci.

XVIII.

V Flauam

Flaram euocat bilem, ob id febribus ardentibus, acutis, & curatu difficultibus auxiliatur. Item dolori capitis, & vertigini, à biliosorum humorum evaporationibus procreat. Morbo regio, & iecori supra modum calefacto, & immodicæ siti. Capit succi^b buglossi, boraginis, apij, ^c intybi, añ lib. duas. Postquam coquēdo despumati ac probè repurgati fuerint, illis iniçiantur cas- futhæ, ^d anisi, sénæ, añ vnc. dimidia. Capilli veneris, Manip. vnum. ^e Fumaræ, vnc. tres. Afari, ^f drach. quatuor. Spicae nardi, drach. duæ. Iniecta & cōmixta cum succis ferueat, bulliantū ad dimidiās. Dein ab igne remoueantur, & quo- ad refrigerentur dimittantur, ac manibus probè & subigantur, donec omnia si- mul in succum redigantur. Postea adjice violarum vnc. tres. Epithymi, vnc. duas, rursusq; parum decoque. Deinde ab igne amoueto, & iniçce psyllij, vnc. tres, & iterum ^h modicè admodum decoque agitatoq;, & subigito, & colato. Decocti colo transfusi accipelib. quatuor. Sacchariⁱ lib. tres. ^k Dacrydij, ^l vn- cias tres, & subacta lento igne decoquito. Postea adjice pastillorum è rosis, & è spodio, & rheubarbari, añ vnc. vnam. Pastillorum ex oxyacantha, vnc. dimidiā. Tritos & subactos cum omnibus prædictis commisce, & in vase re- condito.

ANNOTATIONES.

^a Nicolai.) Etsi enim Mesuæ filius hanc quoq; Antidotum describit, tamen Nicolai de- scriptionem illius, vt pote meliorem, exquisitiorem, ac magis emendatam, præferendam esse putauimus. Antiquioribus hoc Antidotum fuit celeberrimum, quod bilis feroarem retundat, & sanguinem mirificè repurget. Debetq; hodie hoc nomine esse visitatissimum.

Buglossum.

^b Buglossi.) Per Buglossum non inaudiendum est, id quod haec tenus ita nominarunt officinæ, & vulgus medicorum. Siquidem id ipsum est Echij species, vt alibi demonstra- uimus. Neq; Buglossum Italicum, vt Cordus putat, quod & ipsum Echij genus sit. Sed il- lud potius, quod nos in primo de Stirpium historia tomo Buglossum sylvestre, & Germa- nica Bruchfrant appellauimus: quod verno tempore floribus suis duntaxat redimitum

Cordus errat.

inuenitur. Atque hoc quod dicimus, confirmat Mesuæ filius, qui Buglossi domestici & sylvestris meminit. Per domesticum, Borraginem: per sylvestre, id quod iam indicaui- mus, intelligens.

Sylvestre.

^c Intybi.) Sic simpliciter in Nicolao est scriptum. Mesuæ codices Endiuiae habent. Pa- rum autem refert, Endiuiam aut Scariolam usurpes, vt sepe iam diximus, quod eiusdem sint facultatis.

^d Anisi.) Non est in Nicolao, sed ex Mesuæ adiectum. Nihil autem refert, si etiam o- mittatur.

^e Fumaria.) Mesues habet Succi fumariae. Mihi magis arridet, vt cum Nicolao ad stir- pem referamus. Nam si de succo intelligendum esset, potuisset antea inter succos recen- fseri.

Cordus errat.

^f Drachmæ quatuor.) Ita est in Nicolai codice Græco, nempe ^g. Quapropter in non- nullis Mesuæ codicibus falsò legitur, vnciaæ quatuor. Cordus non rectè legit hic drachmæ duæ.

^g Subigantur.) Dicitur pro eo quod alij, Exprimantur, efferunt.

^h Modicè admodum decoque.) Mesues iubet macerari vigintiquatuor horis. Mihi ma- gis probatur Nicolai sententia, qui modicè semen psyllij bullire suadet. Hac enim ratione plus facultatis è psyllio exit, quam si maceretur. Quod etiamsi ad aluum subducendam nihil conduit, quod tamen Arabes, præfertim Meluæ filius constanter affirmant: tamē prodest ad extinguendum febrilem calorem, plurimam Psyllij esse facultatem.

ⁱ Lib. tres.) Exemplaria Mesuæ filij habent minus, nempe lib. duas, & dimidiā. Sed nos maluimus Græci Nicolai codicis fidem sequi, qui habet, ^j.

^k Dacrydij.) Mesuæ filius habet, Dacrydij in cotoneo malo assati. Verum quum Nicolaus iubeat Dacrydium esse coquendum lento igne, non est opus vt prius in cotoneo malo af- setur: propterea quod si ante coctum, iterum coquendum miscetur, leniet tantum Antidotus, non etiam purgabit, aut soluet. Quare Nicolai ratio, qui crudum Dacrydium mi- scendum esse putat, melior est ea quæ à Mesuæ præscribitur.

^l Vncias tres.) Mesuæ filius habet vnc. tres, & dimidiā. Sed Nicolaus disertè habet ^m. Atque hunc potius quam Mesuæ filium sequendum esse iudicauimus. Quod nimurum, trium vnciarum dacyridij pondus, sit satis magnum, vt nō sit necesse accedere dimidiā.

Anti-

ANTIDOTVS E SVCCO
rosarum. Nicolai.
XIX.

Flauam bilem citra molestiam educit. Salubre prorsus medicamentum ad morbos articulorum, è biliosis & calidis humoribus natos, febresq; tertianas. Accipit sacchari, succi rosarum, añ libram vnam, vnc. quatuor. Tríum santalorum, añ drach. sex. Dacrydij, vnc. vnam, & dimidiā. b Spodij, drach. tres. Succi semperuiui, scrup. vnum. Succus rosarum cum saccharo ad iustum consistentiam coquatur, dein adjiciantur species, & formetur Electuarium. Digestur etiam cum saccharo albissimo, quod satis est, in solidam formam.

ANNOTATIONES.

a *E succo rosarum.*) Ita hodie componitur ex Latinis Nicolai codicibus, in quibus non est integra. Nam in græco Nicolao, ijs ex quibus hæc compositio constat, adjiciuntur rheum barbarum, & turpetum: vt patebit ex sequenti mox Antidoto, quod Nicolaus è Zulapio rosaceo inscribit.

b *Spodij.*) Et hic pro Spedio accipiendum erit Ebura vstum, quod id tria sanctala antecedant.

b *Succi semperuiui.*) In Nicolai codice est, Caphuræ. Nos Caphura, vt refrigerante medicamento, vtendum esse haud putamus, quare pro illa succum semperuiui, qui refrigerat, & quoquis tempore haberi potest, restituimus. Caphura enim tenuium est partium, & calefacit potius, quam refrigerat, vt suo loco fusi monstrauiimus. Quare ad bilem nihil confert.

ANTIDOTVS E ROSACEO ZULAPIO.

Nicolai Myrepisci.

XX.

Confertijs quibus flava biliis redundat, defluxionibus, vitijs à calore ortis. Aluum citra molestiam ac dolorem mouet. Vtilis etiam febribus acutis & ardentibus. Recipit succi rosarum, libram vnam, vnc. quatuor. Tríum santalorum, añ drach. sex. Spodij drach. tres. Dacrydij, vnc. vnam, & dimidiā. Succi semperuiui, scrup. vnum. b Rheubarbari, drach. tres. Turpeti, vnc. vnam. Cum Zulapio rosaceo, & saccharo sufficienti commisceantur. Datur pondere trium aut quatuor drachmarum.

ANNOTATIONES.

a *E rosaceo Zulapio.*) Ita à Nicolao inscribitur, propterea quod cum Zulapio, vel, vt hodie loquuntur, cum Iuleb rosaceo conficiatur Antidotus. Nos quoq; hac inscriptione insignitam, paratam in officinis habere oportet: vt sciamus hanc à priore distare, & ea esse validioribus ad purgandum viribus.

b *Rhei barbari.*) Rheum barbarum & Turpetum in priore non habentur. Quapropter vt purgandi vim augent, adeoq; hanc ipsam priori esse validiorem, est necesse.

c *Trium aut quatuor.*) Pro virium diuersitate. Sufficient enim pro mediocri purgatione drachma tres. Proinde aptum erit medicamentum pro ijs, qui modica purgantis medicamenti quantitate delectantur. Nam in solidam etiam formam, vt prior Antidotus, redigi potest.

ELECTVARIVM ROSATVM.

Mesuæ filij.

XXI.

Flauam bilem sine molestia dicit, ob id conductit bilosis affectibus, arthritidi è calore natæ, vertigini, capitis & oculorum doloribus ex eadem causa ortis, & ictero. Habet succi rosarum rubearum perfectarum, libræ quatuor. Sacchari, libram vnam, & dimidiā. Mannæ puræ & recentis, vnc. sex. Scammonij Antiocheni, vnc. vnam, & dimidiā. Coquantur lento igne ad mellis consistentiam, dein iniçiantur pastillorum è spodio, vnc. vna. Pastillorum ex oxyacantha, vnc. dimidia. Galliæ moschatae, croci, añ drach. duæ. Reponantur in vase vitro.

V ij ANNO.

Etsi hoc Electuarium raro usurpat, tamen quum in formandis catapotis Aggregatiis vocatis, item minoribus ex Hermadactylis, eo vtendum sit, nequaquam autem in Antidoto Nicolai è succo rosarum, quod scilicet hæc catapota à Mesue filio inuenta sint, minimè nobis prætereundum fuit.

ELECTVARIVM * INDVM MAIVS.

Mesuæ filij.

XXII.

Excrementa humorum, maximè pituitosorum ac putridorum, à ventriculo, & alijs nutritorijs instrumentis educit. Crassos etiam in ijs flatus discutit, vitiaq; hinc nata: nempe inflationem ventriculi, coli, reni, & aliorum viscerum sanat. Capit cinnamomi, caryophyllorum, spicæ nardi, rosarum, ^b casiae, macis, cyperi, an vnciam dimidiā. Santalorum citrinorum, drachmas duas, & dimidiā. Lignialoes, nucis moschatae, an drachmas duas. Turpeti optimi, drachmas quinquaginta. Sacchari, penidiorum, an ^c drachmas viginti. Galanga, cardamomi vtriusq; asari, mastiches, an drachmam vnam, & dimidiā. Scammonij boni & in malo cydonio cocti, vnciam vnam, drachmas quatuor. Omnia terantur, & cum oleo amygdalino dulci fricentur. Postea accipe succi cydoniorum & granatorum, apij & foeniculi, an lib. dimidiā. Coquatur succum mellead iustum crassitudinem, & admisce species.

ANNOTATIONES.

Indum.

a Indum maius.) Indum forte, quod ab Indis inuenitum fit, aut apud eos in frequenti usum fuerit, dictum est. Maius, ad minoris, quod statim subiectiemus, differentiam.

Maius.

b Casia.) Per Casiam hoc in loco non audienda fistularis dicta, quod Sylvius, & alij quidam putant: sed lignea potius. Quid enim tam exigua moles conferret vniuersæ Antidotis, suaq; leniendi facultate purgatricem eiusdem vim iuaret? Nihil planè. Ligna igitur accipienda, quæ itidem vt cinamomum, caryophyllum, & alia, sua calefaciendi, concoquandi, & attenuandi facultate, frigidos ac crassos, adeoq; pituitosos humores plurimum iuuat.

Sylvij opinio improbata.

c Drachmas viginti.) In nonnullis Mesues codicibus mendosè legitur vncias viginti. Nam vt sèpe accidit, à librario imperito vncia pro drachma scriptum est. Proinde præstaret integris vocibus pondera exprimere, quam notis vcom.

ELECTVARIVM INDVM * MINVS.

Mesuæ filij.

XXIII.

Idem quod præcedens efficit. Accipit turbit, sacchari, an drach. centum. Macis, piperis, zingiberis, caryophyllorum, cinnamomi, cardamomi maioris, nucis moschatae, an drachmas septem. Scammonij, drachmas duodecimi. Mellis optimi despumati, quod satis est.

Minus cur dictum.

a Minus.) Dicitur, quod ex paucioribus constat medicamentis simplicibus, decem nimisunt: quum præcedens ex decem & octo componatur, ideoq; Maius dicatur. Rectius itaq; simplex, vt præcedens compositum, nominaretur. Valentius autem purgat, quod duplo pondere turpetum recipiat. Proinde sunt qui, si Electuarium Indum absolute scribatur, hoc minus, quia efficacius purgat, intelligendum esse censem. Alij contrà maius, ob maiorem simplicium, ex quibus constructum est, numerum, potius accipiendum esse contendunt. Optimum igitur in ista sententiarum diuersitate est, vt quiuis quod usurpandum esse putet, disertè exprimat.

BENEDICTA * LAXATIVA.

Nicolai.

XXIV.

Humores pituitosos, ad articulos potissimum decumbentes, elicit. Areñibus quoq; & vesica purgat. Recipit turpeti electi, sacchari, esula, an drach. decē. Dacrydij, hermodactylis, rosarū, an drach. quinque. Caryophyllorū, spicæ

spicæ nardi, zingiberis, croci, saxifragæ, piperis longi, amomi, cardamomi, seminis apij, petroselini, salis gemmæ, galangæ, macis, carui, fœniculi, seminis asparagi, rufci, ^d granorum solis, añ drachmam vnam. Mellis optimi despumati, quod satis est.

ANNOTATIONES.

^a Benedicta laxativa.) Hæc est visitata officinarum nostrarum Benedicta laxativa, ex Latino Nicolai Præpositi illis vocati libro ad verbum descripta: quæ tamen nulli descriptioni Nicolai Græci Myrepfi appellati per omnia respondet. Apparet igitur, eius autem hanc compositionem ex omnibus Nicolai Benedictis laxatiis, quæ quatuor sunt numero, corrasisse. Nam Turpetum in omnibus est. Esulam ex 509. Antidoto defumpsit. Rosas ex 507. Hermodactylos, caryophyllos, spicam, Zingiber, crocum, saxifragam, piper longum, amomum, cardamomum, semen apij, galangam, partim ex 447. partim ex 508. & 509. transtulit. Macerem, carui, fœniculum, asparagum, ruscum, grana solis, partim ex 447, partim ex 507. mutuatus est, ut has inter se conferenti patebit.

^b Esula.) Cordus de ea drachmas tantum quinq; accipit, quum tamen in Latino codice sint decem, & in Græco vnciæ duæ & dimidia. Quapropter præstat decem quam quinque Esula accipere drachmas. Cordus errat.

^c Apij.) In Latino Nicolai codice est Lini. Verùm quum in Græco exemplari nusquam Lini seminis mentio fiat, sed semper apij semen usurpetur, nos quoq; pro Lini semine apij semen substituimus. Et huic quidem errori vocum vicinitas occasionem dedit, facilis enim à σελίνῳ in λίνῳ semota prima syllaba lapsus fuit.

^d Granorum solis.) Milium solis hodie nominatum intelligit.

Grana solis.

BENEDICTA ^a LAXATIVA VERA.

Nicolai Myrepfici. numero 108.

XXV.

I Dem quod præcedens efficit. Habet turpeti, sacchari, añ drachmas decem. ^b Polypodijs, folij, añ drachmas sex. Cardamomi, spicæ, ^c pulegij, calamintha, saxifragi, caryophylli, ^x apij seminis, añ drach. quatuor. Piperis albi, & longi, añ drachmam vnam. Rheubarbari, drach. duas, scrup. duos. ^d Amomi, cinamomi, Hermodactyli, añ vnciam vnam. Epithymi, agarici, senæ, añ vnc. vnam. Mellis optimi despumati, quod satis est.

ANNOTATIONES.

^a Benedicta laxativa vera.) Sic nominamus, ut eam à præcedenti discernamus: quæ Benedicta laxativa non è Græco, ut hæc ipsa, codice, sed è Latino potius Nicolai Præpositi appellati exemplari, ut diximus, transcripta est: & mea quidem sententia priore melior. Nam quum hanc ingrediantur multo mitiora medicamenta purgantia, nempe polypodium pro esula, rheubarbarum & agaricum pro dacrydio: fit ut etiam minori noxa & molestia sumatur. Præterea inseritur eidem pulegium, calamintha, & cinamomum: quæ crassos & pituitosos humores attenuare, & concoquere possunt. Franciscus Alexander Benedictam ex Myrepso recenset ordine 447. ab visitatis longè diuersam, qua qui vti volent è Myrepso ipso petant.

^b Polypodium.) Hic statim à priore variat, quæ pro Polypodio habet Esulam.

^c Pulegij, calamintha.) Hæc duo in præcedente desiderantur. Rectissimè autem & propter causas iam dictas, induntur.

^x Apij seminis.) In Myrepfi codice haud dubie falsò βοσκάμις pro σελίνῳ legitur.

^d Amomi.) Quum verum Amomum hodie non habeatur, eius succedaneo vtendum: Amomum. aut pro eo semen ammeos, cuius etiam in prima sua Benedicta Nicolaus mentionem facit sumendum.

^e Epithymi, agarici, senæ, añ vnc. vnam.) Sic legitur in manuscripto codice græco. Et frequens est apud Galenum & alias autores, ut pondera quæ vno comprehenduntur numero, ipso identidem repetito iterentur. Tamen si planè quis hoc loco varietatem in ponderibus desiderat, de Epithymo vnc. vnam, de agarico & sena, añ vnc. dimidiā accipiat: quod Nicolaus itidem in quarta Benedicta, quæ est numero 509. fecit. Quod si eius vsum in calculo quoq; efficacem esse quispiam desiderabit, is granorum seu milij solis drachmas duas, ut facit Nicolaus in altera Benedicta, quæ est numero 507. adjiccat: & habebit optimum medicamentum.

V iij DIA

LEONHARTI FUCHSII
DIA SENA * VVLGARIS.

Nicolai.

XXVI.

Antidotus ē sena succurrit melancholicis, mania vexatis quartana laborantibus, tristicia affectis, lienosis, elephanticis, & omnibus vitijs ex atra bīle procreatīs. Capit senae, vnc. tres. Auellanarūtostarū, numero quinquaginta. Sericītostī, drachmas duas. Lapidis armenij, drach. vnam. Lapidis lazuli, drach. tres. Sacchari, vnc. sex. Cīnamomī, vnc. vnam. Caryophyllorum, ^b galangæ, piperis, spicæ nardi, ocimī, ^c foliorum caryophyllorum, cardamomī, croci, zingiberis, zedoariæ, florū rosmarīni, piperis longi, aīn drach. duas. Mellis despumati, quod sufficit.

ANNOTATIONES.

a Vulgaris.) Seu hodie vñitata. Quod adiecumus propter aliam hac longe præstantiorē, quæ est in Nicolao græco. Præsens enim ex Latinis est descripta codicibus, & prorsus decurtata, vt ex mox sequentibus liquidè apparebit. Variant tamen etiam pondera, quæ in hac quām sequenti sunt alia, & diuersa.

b Galanga.) Sola galanga in sequenti desideratur, quæ hic ab aliquo adiecta est.

Folia caryophyllorum. *c Foliorum caryophyllorum.*) Si haberi possunt. Sunt autem similia folijs lauri, & odo rem atq; saporem caryophyllorum habent.

DIA SENA * VERA.
Nicolai Myrepisci. numero 465.

XXVII.

Idem quod præcedens efficit. Accipit senae, nucum auellanarum, aīn vnciam vnam. Rafuræ eboris, drach. tres. Serici crudī vñti, drach. vnam, & dīmidiam. Boli armenij, pastilli scillitici, pastilli theriaces, ^b hedychroī magmatīs, lapidis armenij, lapidis lazuli, asari, aīn drach. vnam. Lapidis sīnaragdi, iaspīdis, saphirī, aīn drach. vnam. Rafuræ ferri, chalibis, drach. quatuor. Stiracis boni, pastillorū erosis & violis, galliæ moschatæ, aīn drach. duas. Thuris, cīnamomī, cubebæ, aīn vnc. dīmidiam. Trīum santalorum, drach. quatuor. Corallij rubei, drach. quatuor, & dīmidiam. Margaritarum, blattij bisantis, aīn drachmas duas. Caryophylli, maceris, spicæ, ocimī, seminis portulacæ, zingiberis, anisi, ammeos, fœniculī, aīn drach. vnam, & dimidiā. Calaminthæ montanæ, aurī puri, aīn drach. tres. Folij, cardamomī, zedoariæ, croci, florū rosmarīni & borraginīs, piperis albi, līgnialoēs crudi, aīn drach. tres. Ossa cordis ceruini, numero quatuor. Berberis, gentianæ, aīn drachmam vnam. Moschi, grana duodecim. Mellis optimi despumati, quod satis est.

ANNOTATIONES.

a Vera.) Hæc est vera & legitima Nicolai Myrepisci Dia Sena, exceptis duobus, Apelaxio & Afimio nimirum: ita enim in manuscripto codice inuenitur, haud dubiè corruptis medicamentis. Quæ quum sit operosa & sumptuosa, factum est vt à quibusdam sit decurtata: ita tamen vt pleraq; omiserint, quæ omittenda minimè erant. Est autem compositio optima, vt quæ accurata diligentia sit construēta, adeoq; promissis planè respondeat. Habet enim in se medicamenta melancholicum purgantia humorem, senam nimirum, lapides armenium & lazuli. Item quæ crassitiem eius humoris incident, extenuent, & angustas vias aperiant: pastillos scilliticos, theriaces, hedychroum, zingiber, anisum, ammi, fœniculum, calamintham, & id genus alia. Præterea corroborantia, adeoq; tristiciam, quam melancholicus humor inducit, abigentia, & corruptionē sanguinis arcentia: ebur, sericum, bolūm armeniū, iaspidem, saphyrum, margaritas, spicam, ocimūm, crocum, Zedoariam, caryophyllos, macerem, ossa cordis ceruini, & moschum. His accedit Smaragdus, qui quasi infinita quadam proprietate elephantiam sanat. Corallium, lieni absumento aptum esse remedium, ex Dioscoride constat. Ad hunc deniq; extenuandum, blattia bisantis, & berberis conducunt. Emolliendi gratia styrax, & thus indita sunt. Ut errasse plurimum constet, qui maiorem horum partem omiserunt. Consulo igitur, vt pharmacopœi deinceps ad eum quē hic ostendimus modum, parent Dia Senam, veteri prorsus neglectam.

b Hedychros

b Hedychroi magmatis.) Sic appellat Galenus in libris suis quos de Theriaca inscriptis, *Magma*, & multiſ alijs locis. Est autem magma non tantum vnguenti, sed & pastilli massula. Ideo à nonnullis inter vnguenta, à quibusdam autem inter pastillos Hedychroum numerantur. Nos suo loco illud inter pastillos numerabimus.

ANTIDOTVS CATHOLICA.

* Nicolai Præpositi.

XXVIII.

Iecoris & lienis affectibus potissimum conuenit, acutis qutoq; & peracutis febribus, lenit enim concoquit, & roborat. Habet casiaſ fistulæ purgatae, senæ mundatae, tamar Indorum, singulorum vncias octo. Rhei barbari, violarum, polypodij, anisi, singulorū vncias quatuor. Glycyrrhizæ, rasæ penidiorum, sacchari candi, singulorum drachmas quatuor. Seminum quatuor frigidorum maiorum purgatorum, singulorum vnciam vnam. Polypodij querini, libram vnam. Tritum diu in aqua coquitur, colatumq; in serapium percoquitur cum libris octo sacchari. Casia & tamar Indi in colati parte dissoluuntur, & Serapio iam percocto adduntur, postremo species adiiciuntur.

ANNOTATIO.

a Nicolai præpositi.) Hac inscriptione ab ea quæ mox sequitur discernitur, quæ est Nicolai Myrepſi, & hac ipsa propter Turpeti & Dacrydij accessionem paulo auctior. Eſi autem præſens catholica vniuersos corporis humores blandè admodum vacuat: Senæ enim & polypodij ope melancholiam & ſerosos humores, ob casiam & tamar Indos flauam billem, propter Rheum barbarum bilem & pituitam educit: ita ut etiam in febribus tuto dari poſit, tamen quum in eam quæ à Nicolao Myrepſo traditur Catholicam omnia minori pondere indantur purgantia medicamenta, dubium non eſt quin benignis etiam medicamentis annumerari queat. Non prohibeo igitur quin vtriusq; compositione paratam in officinis suis habeant pharmacopœi, inscriptionibus tamen suis distinctas, hanc Nicolai Myrepſi, illam Nicolai catholicam appellantes, ut medici pro ſuo arbitrio hac vel illa vti poſſint. Quia verò Rhei barbarici vncias octo accipit, ſatis ſumptuosa erit, niſi quod crebrò faciunt, pharmacopœi antiquatū & deteriora eius fruſtula iniecerint. Commodius itaq; erit minori pondere, nempe drachmarum quatuor, more nonnullorum, inſeratur. Præſtat autem Myrepſi deſcriptionem ſequi.

ANTIDOTVS *CATHOLICA.

Nicolai Myrepſici, numero 503.

XXIX.

Omnes corporis humores purgat. Confert acutis, & peracutis morbis, Emollientem, alterat, roburq; addit. Iocinerosis, lienosis, podagrīcis, arthriticis, tertianis, quartanis, & quotidianis, doloribus capitis ſuccurrat. Recipit *b* ſenæ, *c* casiaſ fistulæ, tamarindorum, aī vnc. vnam. Polypodij repurgati, vnc. vnam, & dimidiā. Rhei barbari, drach. duas. Glycyrrhizæ repurgatae, vnc. dimidiā. Seminum *d* cucumerum, aī vnc. dimidiā. Penidiorum, vnc. dimidiā. Sacchari candi, drach. tres, ſcrup. vnum. *e* Radicis capparis, drach. duas. Anisi, violarū, aī vnc. vnam. *f* Turpeti, vnc. dimidiā. *g* Dacrydij, drach. duas, ſcrup. duos. Ex ijs quæ terenda ſunt, probè trita per cribrū trajecta, dein rufus accipiuntur polypodij repurgati, & *h* tempeſtui, vnc. duæ. Senæ bonæ, violarum, anisi, fœniculi ſeminum, radicis capparis, aī vncia vna. Pruna refrigerata, numero vīginti. Cerasa, numero triginta. Hæc bene macerata & liquata coniiciuntur in lebetem cum aqua libras quatuor, & bene cocta coulantur. Postea accipitur decoctum colatum, & inſicitur in lebetem, & cum ipſo ſacchari puri, libra vna & dimidia, atq; ad Serapij conſistentiam coquuntur. In quo *k* prædicta omnia irrigantur, madefiuntq; conuaffantur, & probè ſubiguntur, emollifuntur, & ad electuarij formam redacta in vase reconduntur.

ANNOTATIONES.

V iiiij a Catholica.)

Catholica.

a Catholica.) Græcè est καθολική. Sic autē dicta est Nicolao, quasi vniuersalis: quod scilicet omnes corporis humiores expurget. Vulgus certè medicorum & officinæ ineptè admodum Diacatholicōn, id est, de vniuersalibus appellant.

*Sena.**Senarepurgata.**Casia fistula.**Semimacu-**merum.*

b Senæ.) Vbi Sena simpliciter, vt hoc loco, in compositionibus reperitur, semper folia & folliculos simul intelligere oportet. Quod si Senæ purgatæ mentio fiat, ab ea auferenda sunt festucæ, & foliorū folliculorumq; pediculi. Id quod semel nos monuisse hic satis sit.

c Casia fistula.) Intelligit nigram dictam, & purgatricem: præsertim eius medullam ac pulpam, quæ hodie flos Casiae nominatur.

d Semimum cucumber.) Per semina cucumber inaudienda sunt non solum cucumeris, sed & cucurbitæ, citruli, & melonum: in summa, quatuor frigida maiora vocata semina, quod ex Latinis manifestum fit codicibus, & ex ipso Nicolao, qui ana dictionem subiecit, quod nunquam fecisset, si de uno tantum semine locutus fuisset.

e Radicis capparis.) Hæc in Latinis codicibus, vt etiam anisi semen, omissa est. Vt hinc satis appareat, eam quæ hactenus usitata fuit Catholica, non fuisse integrum, sed mancam, & multis modis mutilam.

Turpetum.

f Turpeti.) Turpetum Nicolaus nominat medicamentum, quod vulgus medicorum & pharmacopœorum, Arabum doctrinam sectantium, Turbit nuncupat. Rectissime autem Turpetum huic Antidoto inferitur. Nisi enim illud injicias, vix Catholicæ appellabitur: quod scilicet non omnes purget humores. Siquidem omisso Turpeto, nullum in ea erit medicamentum quod pituitam purget, dempto Rheobarbaro, quod leuiter tantum pituitam dicit. Vt hinc quoque perspicuum euadat, vfitatam Catholicam esse decurtatam. Ad præsentis igitur Antidoti modum deinceps pharmacoepi Catholicam etiam componant, vna cum veteri, aut vt rectius dicam, hactenus vfitata. Hic silentio inuoluere non possum quin Bernardi Dessenij calumnijs respondeam. Nam ipse compositioni Dia catholicōn Præpositi inscriptæ, annotationem subiecit, in qua ijs verbis in me inuehitur. Miror, ait, Leonhardum Fuchsius Myrepsi interpretem, posterius Catholicōn velut consuetudine officinæ familiare commendasse. Nam vt dosim, quæ nihil habet cum Nicolao Alexandrino, aut Præposito cōmune, præteream, res quoque ipsæ planè variant: siquidem radices Capparorum; ita enim loquitur: pruna, cerasa, turpetum, diacrydium, purgatoria fortissima, adiungit, atq; longe aliam quām præpositus cocturam instituit. Et cæcus sit funditus oportet, qui ista non videat. Proinde manifestum est, quām nihil operæ in conferendis autorum compositionibus reposuerit Fuchsius, quod nunc semel monendum esse duxi, quum frequentissime alias obseruarim, ne Apothecariorū vulgus alioqui ad quiduis suscipiendum sine iudicio proclue, huiusmodi descriptionibus seducatur, ac magis autoritati ipsius, quām rei veritati credit. Nec potest nec debet ipse, quando vir bonus ac doctus sit, hanc monitionem meam non candide interpretari. Hactenus Dessenius. Quis verò initio non detestetur ac diris omnibus execretur immensam hominis ingratitudinem, vt qui mihi malam admodum gratiam pro Myrepsy, autore multis seculis desiderato, in latium conuerso, referat. Quod verò posteriore Myrepsi Catholicam vfitatam dixerim, non alio nomine factum est, quām quod voluerim significare eam esse compositionem. vnde Præpositus ille abbreviator, depravator dicere volui, Nicolai, suam, sed multis modis decurtatam, descripsit. Ea enim quæ præcedit, nihil cum officinæ vfitata ferè commune habet. Non sum autem Dessenii tam stupido ingenio, vt non viderim hanc in multis ab vfitata variare, sed non statim sequitur ob id eam non esse hactenus vfitatam, imò id potius, quod Præpositus eam, vt alias multas, omnino sua abbreviatione depravaret. Volui itaq; marginali mea adiectione pharmacopolas tacitè admonere, quod ea qua hactenus vfi essent Catholicæ, non vera, nec integra, sed mutila, & depravata esset, atq; vt deinceps hanc ipsam, tanquam legitimam, vsurparent. Qui fit igitur Dessenii vt hic non potius in Præpositum, quemadmodum in Dia margaritōn calido fecisti, tua conuictia, quām in me expuere & regerere voluisti? An non tum multas compositiones officinarū hunc decurtasse ac vitasse, innumerisq; mendis conspurcassee dixisti? Imò in hæc tandem verba prorupisti. Ecquis Præpositum hunc diutius sibi imitandum in pharmacopolis proponet? ac non potius maximi Apollinis graui censura plectendum iuste decernat? hoc est, vt ex optimis officinæ profligatus & proscriptus apud pessimos pereat. Cur non hic eandem cantas cantilenam? cur rogo eorum quæ tum magno stomacho dixisti hic oblitus es? Dicam, voluisti ex Fuchsij reprehensione aliquam tibi doctrinæ & existimationis opinionem parare. Atqui metuo ne pro sperata gloria, sis non leuem consecutus ignominiam, & certò declaraueris te omni destitutum iudicio. Id quod hinc etiam satis innotescit, quod me nihil operæ in conferendis autorum compositionibus posuisse inquis. Quasi verò hoc tum meum confilium fuerit, ac non potius id, vt Nicolaum quoad fieri posset optimè in lati-

num

*Bernardi
Dessennij ca-
lumnia de-
pulsa.*

num sermonem conuersum darem studiosis. Quanquam in medicamentarijs etiam libris scribendis non id conandum est, vt autorum compositiones conferas, sed id potius, vt eas quæ in officinis sunt vñitatae, quæm emendatas ac planè legitimas habeamus. Deniq; non est quod vulgus tantum pharmacopœorum ad quodvis suscipiendum sine iudicio proclue existimes, sed te illis planè coniungas oportet, vt qui omnia ex quibusvis autoribus nullo adhibito, vel delectu, vel iudicio, in tuas annotationes corradas, & lectori crassissimas osfundas tenebras. Atq; haec tenus puto tuis calumnijs abundè per me responsum esse. Nostri vetus hoc: Qui quæ vult dicit, quæ non vult audiet.

g Dacrydij.) Et illud in vñitata Catholica desideratur, vt necesse sit eam fuisse minus in purgandis omnibus humoribus efficacem.

b Tempestiu.) Tempestiu vocat haud dubiè, id quod legitimo tempore collectū est. *Polypodium*
i Refrigerata.) Ita nominat, quæ in aqua frigida sunt macerata, & emollita, aut liqua- *tempestiu.*
ta: vt ex mox sequentibus planum fit. *Prunarefri-*

k Prædicta omnia.) Intelligit casiam, senam, tamarindos, & alia omnia quæ Serapij com gerata. positionem præcedunt. Et hæc est legitima Nicolai Catholicae structura, quæ in officinis deinceps etiam parari debet.

ANTIDOTVS DIA PHOENICON.

Mesuæ filij.

XXX.

Antidotus è palmulis, febrisbus compostis & diuturnis auxiliatur, bilem nanq; flautam, & pituitam sine molestia educit. Colicis cruciatibus mirificè conducit, item doloribus ventriculi, & id genus alijs vitijs ex crudis humo ribus ortis. Habet *b* palmularum fuluarum in aceto per triduum maceratarum, drach. centum. Penidorum *c* hordeatorum, drach. quinquaginta. Amygdala rum purgatarum, drach. triginta. Turpeti, drach. triginta quinq;. *d* Scammonij, drach. duodecim. Zingiberis, piperis longi, foliorum rutæ siccorum, ci namomi, macis, lignialoes, anisi, fœniculæ, dauci, galangæ, an drachmas duas, & dimidiā. Mellis optimi despumati, quantum sufficere videtur.

ANNOTATIONES.

a Dia Phœnicon.) Hoc est, è palmulis: vel, vt hodie vocant officinæ, è dactylis. Nam φοῖνιξ *Palmula*, Græcis, palmulam sonat. Rectè autem sic inscribitur, quod hæc mole sua reliqua omnia hanc compositionem ingredientia medicamenta superet.

b Fuluarum.) Codices Mesuæ ferè omnes legūt Cheiron. Est aut Cheiron haud dubiè *Cheiron*. vox depravata Græca, contextui inserta, pro κύρρω: id est, fuluarū. Sunt autē φοῖνικες κύρρω: *Palmule* id est, palmulæ fuluæ, probè maturæ. Nam sufficit in præsentia adstrictio, quæ in maturis fuluæ. palmulis remanet. Cheiron autem dictione significare, quod dicimus, satis capite 69. testatur Serapio, inquiens: Cheiron est species dactyorum, & color eorum est citrinus, & rubeus. Heiron verò illic depravatus quæm in Mesuæ filio legitur.

c Hordeatorum.) Hordea verò penidia vocant, quæ ex saccharo albo & optimo, in aqua decoctionis hordei sex horas infuso, & cocto ad iustum consistentiam, conficiuntur. *Hordeata*
d Scammonij, drach. duodecim.) Sic meliores Mesuæ filij codices, quos nos secuti sumus, Penidias. habent. Alij drach. viginti duas, quorum lectio minus probatur, quod antea drachmæ triginta quinq; Turpeti, huius Antidotij compositionem ingrediantur.

DIA PHOENICON SOLIDVM.

Incerti autoris.

XXXI.

Idem quod præcedens potest. Capit palmularum fuluarum per triduum in aceto maceratarum, numero sex. Seminis libystici, drach. duas. Nucum pinearum, amygdalarum dulcium, an drach. quindecim. Turpeti, drach. duodecim. Dacrydij, drach. vndecim. Sacchari candi, vncias duas. Zingiberis, piperis longi, foliorum rutæ siccorum, cinamomi, macis, fœniculæ, dauci, galangæ, lignialoes, an drachmam vnam. Sacchari libram vnam, fingatur orbiculari rotularum uue figura.

ANNOTATIO.

Sunt

Sunt qui ad iam dictum modum Diaphœnicōn solidum conficiunt, quod à priore non nisi ponderum diuersitate distat: & quod semen libystici, quod in priore non est, accedit, & pro penidijs, nuces pineæ usurpantur. Alij nihil addunt, nec admittunt: sed planè, dempta forma, eodem quo primum Diaphœnicōn parant. Quod in cæteris quoque Antidotis, quæ in liquida aut solida forma construuntur, obseruant, ut noua compositione non sit opus. Nos tamen hic quorundam libidini inseruendum esse putauimus, qui hac, quā alia ratione, medicamentum hoc struere malunt. Pondus eius drachmæ quinqꝫ, magna ex parte, aut sex.

ANTIDOTVS • EPISCOPI.

Mesuæ filij.

XXXII.

Flaram bilem ac pituitam elicit. Flatus & excrementa ē toto corpore educit: ob id doloribus articulorum & hypochondriorum prodest. Item colicis cruciatibus mirificè auxiliatur. Humores adrenes & velicam decumbentes expurgat. Accipit scammonij Antiocheni, turpetialbi & optimi, aī drachmas sex. Caryophyllorum, cinamomi, zingiberis, myrobalanorum emblichorum, nucis moschatae, polypodij, drachmas duras, & dimidiam. Saccharialibi, ^b vncias sex. Mellis optimi despumati, quod satis est.

ANNOTATIONES.

a Episcopi.) Sic appellanda venit hæc Antidotus, non *Episcopff*: ah dicere volui Ele-scoph, vt barbari haetenus medici nominarunt. Nam ita etiam vocat Auicennæ interpres: vt mirum sit, iuniores medicos Auicennam, quem tamen veluti numen quoddam coluerunt, & in oculis tulerunt, non esse hoc loco imitatos: & itidem vt ille fecit, Episcopi electuarium haud nuncupasse. Describitur autem ab eo Can. 5. codem quo hic modo: nisi quod Cardamomum & piper adiicit, quæ in præsenti non habentur.

b Vncias sex.) Sic omnia Mesuæ filij exemplaria habent. Vnus Cordus, nisi typographi culpa factum sit drachmas sex habet, quum tamen Auicenna integrum libram sacchari contriti inspergere iubat. Cæterum sunt qui hanc Antidotum etiam in solidam redigunt formam, singulis drachmis specierum, sacchari optimi vnciam addentes.

ANTIDOTVS • HAMECH.

Mesuæ filij.

XXXIII.

PUrgat utræque bilem, & pituitam falsam: ob id morbis inde natis, impetigi- ni, scabiei, elephantiae, & cancro exedenti, & similibus mirè confert. In summa, omni fœditati cutis, a biliosis & adustis humoribus procreatæ, conuenit. Recipit myrobalanorum flauorum, vnc. quatuor. Cepulorum, & Indorum, rheubarbari, aī vnc. duas. Agarici, colocynthidis, polypodij, aī drach. decem & octo. Absinthij, thymi, senæ, aī ^b drach. sex. Violarum, drach. quindecim. Epithymi, vnc. duas. Anisi, rosarum, fœniculi, aī drach. sex. Succifumariæ, libram vnam. Prunorum, numero sexaginta. Vuarum passaruim purgatarum, vnc. sex. Macerentur omnia in sero lactis sufficiente dies quinque, in vase vitreato oris angusti, & probè obturati. Postea ad ignem feruefiant vna & item altera ebullitione: ac manibus dein fricentur & colentur. Colato adde cassæ fistulæ purgatae, vnc. quatuor. Tamarindorum, vnc. quinqꝫ. Mannæ, vnc. duas. Fricato manibus, iterum cola, colato adiçito sacchari libram vnam & dimidiam. ^d Scammonij, vnciam vnam, & dimidiam. Coque ad mellis crassitiem. Dein puluerem sequentem insperge, qui habet Mirobalanorum flauorum, cepulorum, indorum, aī vnc. dimidiam. Bellericorum, emblicorum, rheubarbari, seminis fumariæ, aī drachmas tres. Anisi, spicæ nardi, aī drachmas duas. Formetur electuarium.

ANNOTATIONES.

a Hamech.) Ab autore, qui hanc Antidotum struxit, ita est nominata. Idem verò vox hæc sonat, vt quidam interpretantur, quod Mahemet. Hac autem appellatione Razes Pœnus medicus intelligendus venit, qui variè à Mesuæ filio nominatur. Nam interdū, vt hoc

Hamech.

hoc loco, simpliciter Hamech siue Mahemet dicitur. Aliquando cum adiectione Hamech Razes. Nonnunquam Hamech filius Zachariæ. Interdum Hamech filius Zachariæ Razes. Aliquando Hamech filius Zezar. Non est autem ille Hamech, qui Mesuæ pater fuit, auus nimis ipius Ioannis filij Mesuæ. Siquidem is fuit filius Heli, qui filius fuit Abdælx, regis Damasci.

b Drachmas sex.) Non latet, codices quosdam habere Vnciam vnam. Sed meliores legunt Drachmas sex.

c Drachmas quindecim.) Alij codices legunt vnciam vnam, & dimidiā, ita ut demandant drachmas tres.

d Scammonij.) Scammonium hic crudum, non coctum, quod dacrydion, & corruptè Scammonium diagridion vocant, inaudiendum erit. Nam coquendo corrigitur. Non igitur coctum crudum. usurpandum ad huius antidoti structuram erit: id enim ut iterum coquatur non indiget. Et si coqueretur, vim suam purgatoriam non nihil amitteret, concoctione fractam & imminutam. In quibus igitur compositionibus Scammonium coquendum præcipitur, crudum: in alijs coctum accipiat. Quod semel hic monuisse satis fit.

ANTIDOTVS HAMECH ALTERA, *SEV minor. Mesuæ filij.

XXXIII.

Hamech altera purgat melancholiā, & vñstos humores alios: ob id confert maniæ, melancholiæ, vertiginis, obliuioni, & vitis cutis. qualia sunt, scabies, lepra, alphos, cancer, elephantia, impetigo. Habet mirobalanorum nigrorum, id est, Indorum, cepulorum, epithymi, añ drach. quinquaginta. Fumariae, absinthij, añ drach. viginti. Thymi, calamynthæ, polypodij, agarici, glycyrrhizæ, buglossi, añ drach. decem. Stichadis, chamædryos, chamæpityos, spinælæ, anisi, añ drach. quinq. Pruna, *b* zizypha, *c* myxa, añ numero septuaginta. Vuarum passarum repurgatarum, lib. vnam. Coquuntur in aqua sufficienziā ad tertias. Dein colantur. Colato adduntur. *d* Sapæ, lib. duæ. Mellis de- spumati, lib. vna. Scammonij, vnc. duæ. Ignimento ad mellis crassitudinem perco- quuntur.

ANNOTATIONES.

a Minor.) Ita nomina uimus, ad differentiam prioris: quæ simpliciter Hamech, aut cum adiectione Hamech maior appellari potest. Etsi hodie non est officinis nostris visita, tamen posset, quod sit optima, in usum reuocari, & loco superioris usurpari in lue Hispanica. Cur enim non ita appellaremus, quum hac ipsa gens illa creberrimè laborebat?

Lues Hispanica.

b Zizypha.) Ita recentiores Græci nominant, Iuibus hodie dictas.

Zizypha.

c Myxa.) Sebesten vulgo vocantur, ut libro primo diximus: adeò ut nihil opus erat hic *Myxa*. denuò referre.

d Sapæ.) Sapa mustum est, ad tertiam partem decoctum. Græcis ζυρα & σιρα: Ara-
bum familiæ, & barbarem sectantibus medicinam simpliciter Rob, & coctum dicitur. *Rob.*

DIA *TVRPETV, CVM RHEOBARBARO.

Montagnanæ.

XXXV.

Fauambilem & pituitam educit, atq; aqua intercutem laborantibus mirificè confert. Capit turpeti optimi, hermodactylorum, añ vnciam vnam. Rheubarbi selecti, *a* drachmas decem. Dacrydij, drachmas quatuor. Santalorum alborum & rubeorum, violarum, zingiberis, añ drach. vnam, & dimidiā. Mastiches, anisi, cinamomi, croci, añ drach. dimidiā. *b* Sacchari albissimi, quod satis est.

ANNOTATIONES.

a Diaturpeti, cum rheobarbaro.) Hac inscriptione insignitur hæc Antidotus, ut disce-
natur ab altera quam Diaturpeti: vel, ut hodie loquuntur, Dia turbit maiorē, quam mox
subiiciemus, appellant.

b Drachmas decem.) Hic mihi falsò affingit Franciscus Alexander, quod legam vncias
decem, quum nusquam in omnibus compositionibus dia turpetu ita scriptum sit. Nec
minore candore vitium hoc in Typographum transfert.

b Saccha-

b Sacchari.) Ita hodie frequenter paratur. Potest autem cum melle despumato, si ita visum fuerit, in liquidam consistentiam redigi. Sunt qui malint hac compositione vti,
Aliud diatur quæ, accipit Turpeti optimi, vnciam vnam & dimidiā. Rheubarbari selecti, drachmas petu cum sex. Zingiberis, drach. tres. Spicæ, mastiches, añ drachmam vnam. Anisi, drach. dimidiā, Rheobarbaro. Dacrydij, drach. sex. Sacchari albissimi, vncias sedecim, fiat confectio in rotulis. Ad vermes lumbricosq; excutiendos efficacissimum est medicamentum. Nam Rheum lumbricos necat, turpetum autem pituitam lumbricorum fomitem educit.

DIA TVRPETV MAIOR.

Incerti autoris,

XXXVI.

PItuitam maximè purgat, & eandem extenuat, ac concoquit. Accipit turpeti optimi, vnciam vnam. Dacrydij, zingiberis, añ drach. quatuor. Cinnamomi, caryophyllorū, añ drach. duas. Galangæ, piperis longi, macis, añ drach. vnam. Sacchari albissimi.

DIA TVRPETV MINOR. *ZEZARIS.

XXXVII.

LEuiter *b* pituitam, præsertim eam quæ in ventriculo hæret, elicit. Recipit turpeti optimi, drach. decē. Zingiberis, drach. quinq;. Mastiches, drach. tres. Sacchari albissimi, quod sufficit.

ANNOTATIO.

a Zezaris.) Zezar autem pater fuit Hamech: qui, vt diximus, Razes alio appellatur nomine. Rarum est admodum Diaphenicō electuario eius vicarias operas subeunte.

b Leuiter.) Quòd, vt præcedens, dacrydium non accipiat.

DIA TVRPETV. MESVAE FILII.

XXXVIII.

PItuitam, & flauam bilem educit, & idem ferè quod Montagnanæ potest. Habet zingiberis, galangæ, añ drach. dimidiā. Piperis longi, cinnamoni, añ drach. duas. Spicæ indicæ, mastiches, añ drach. dimidiā. Croci, scrupulos duos. Turpetialbi gummosi, Rheubarbari selecti, añ vnciam vnam, & dimidiā. Hermodactylorum, vnciam dimidiā. Dacrydij, drachmam vnam. Sacchari, vnc. sedecim, aut circiter, fiat confectio in tabulis.

DIA TVRPETV. INCERTI AVTORIS.

XXXIX.

IDem quod præcedēs potest. Capit Rheubarbari, vnciam dimidiā. Caryophyllorum, galangæ, añ drach. duas. Macerantur tria hæc in stillaticijs rosa rum liquoris, vnciarum trīum, horis viginti quatuor. Dein eximuntur, & exiccantur: exiccatāq; subinde in puluerem rediguntur, cum ijs quæ sequuntur: nempe turpetialbi, drach. decē. Hermodactyli, zingiberis, añ drach. quinq;. Scammonijs in pomo cocti, drach. sex. Senæ, drachmas duas. Spicæ, anisi, mastiches, añ scrup. vnum. Sacchari, vnc. viginti quatuor, fiat confectio in orbiculis.

ANNOTATIO.

Studiò plures Dia turpeti compositions attulimus, vt delectu habito, quiuis ex illis eam quæ optima sibi videretur, in sua officina parari curaret.

DIA CNICV. ARNALDI VILLANOVANI.

XL.

Antidotus è cartamo, flauæ bili & pituitæ educendæ mirificè conductus. Habet specierum dia tragicanthi frigidj, vnc. dimidiā. Pulpæ carnis ue cydoniorum, vnciam vnam. Medullæ seminis cartami, hermodactylorum, añ drach. quatuor. Zingiberis albi, drach. duas. Dacrydij, drachmas tres. Turbit albi, *drachmas sex. Mannæ granatæ, drach. duas. Mellis rosacei colati, vnciam vnam. Sacchari, *b* vnc. octo. Cum saccharo albissimo sufficienti fiat electuum.

ANNO'

ANNOTATIONES.

a Diaeniu.) Hodie Diacartami nominant, quod idem valet. Pauci sunt qui hac vtuntur Antidoto. Tamen quum nonnulli sint, qui eam in compositis, nempe ex biliosis & pituitosis humoribus natis, affectibus, libenter usurpant, ut pharmacopei illorum postulatis morem gerere queant, eius quoq; compositionem hic recensere curauimus. Paratur magna ex parte in forma solida.

* *Drachmæ sex.*) Alij legunt drachmas duas, quæ sanè lectio, ne vehementius fiat medicamentum, quum Dacrydium, & Hermodactyli eius quoq; compositionem ingrediantur, melior esse videtur. Legendum igitur ita potius esse iudico, Turpeti, drachmas duas. Mannæ granatae, drachmas sex.

b Vncias octo.) Alij legunt drachmas octo. Parum autem refert, utram lectionem arripiант pharmacopœi: modò ad solidi Antidotii consistentiam redigatur medicamentum. Sin ad electuarij formam reducere medicamentum voleas, pro saccharo mel adiiciendum erit. Franciscus Alexander hoc in loco vehementer in Cordum, è quo, ut verum fatear, hanc compositionem descripsi, neq; enim Arnoldi lectione vñquam sum delectatus: inuenitur atqui parum recte: quandoquidem si omnia simplicia quæ hanc compositionem ingrediuntur, ac pondera ipsa expendas, multo ea quæ Franciscus afferit, meliorem esse deprehendes. Quis enim nō abhorreat à Turpeti vñcijs duabus, & diacrydij drachmis quinque. Sed sic placet nonnullis Germanorum deprimere labores, quum ipi meliora non afferant.

CATHARTICVM IMPERIALE.

Nicolai.

XL I.

Bilem vtranq; & pituitam sine molestia purgat. Oboësis autem & crassis, quicq; magna ex parte alio constricta & dura sunt, ileosis: & ijs quorum ventriculus atq; intestina flatibus distenduntur, conuenit. Capit dacrydij, sacchari, añ drach. octo. Cinamomi, spicæ nardi, saxifragæ, polypodij, añ drach. quatuor. Caryophyllorū, zingiberis, spicæ celticæ, piperis nigri, piperis longi, cardamomi, amomi, añ drachmas tres. Mellis optimi despumau.

ANNOTATIO.

Hæc descriptio extat in codice Nicolai, qui opera Ioannis Agricolæ Ingolstadij excusus est. Alia est, & quæ è pluribus constat simplicibus, quæ habetur in Nicolao vocato Præposito: qui alias ab eo qui Myrepſus nominatur, suisse videtur: nempe compilator aliquis, qui ex alijs autoribus collegit medicamentorum compositiones. Quibus ut gratiam aliquam apud lectors conciliaret, ea quæ compilauit sub Nicolai Myrepſi, quod dein imperitia quorundam in Præpositi mutatum est, nomine edere voluit. Plures autem illum referre quæ in Nicolao Myrepſo græco non habentur, ex superioribus abunde patuit. Cæterum Nicolaus Præpositus Catharticum Imperiale ita describit. Recipit Dacrydij, sacchari, añ drach. quatuor. Cinamomi, spicæ nardi, saxifraga, polypodij, añ drach. duas. Myrobalani citrini, hermodactyli, añ drach. quatuor. Caryophyllorum, zingiberis, spicæ celticæ, piperis nigri, piperis longi, cardamomi, amomi, añ drach. vnam, & dimidiā. Mellis quod sufficit. Non distat à priore, nisi adiectione Myrobalanorum & hermodactylorum, & quod pondera quæ in precedente sunt duplicata, hic simplicia existunt. Posset postremum hoc appellari à maiori simplicium copia, Catharticum imperiale maius.

ANTIDOTVS E BRASSICA MARINA.

Incerti autoris.

XL II.

Antidotus è brassica marina magna efficacia aqua inter cutem laboranti- um educit aquam. Accipit brassicæ marinæ, vnc. vnam. Turpeti, drach. tres. Follicolorum senæ, Tartari radicis iridis, polypodij, añ drachmas duas, & dimidiā. Rhei barbari, drachmas tres. Seminis iuniperi, drach. duas. Dacrydij, drach. vnam. Lignialoës, zingiberis, cinamomi, añ drach. vnam, & dimidiā. Nardi, drach. dimidiā. Sacchari albissimæ in stillaticijs liquoribus. Cichorij & hyssopi quod satis est dissoluti, fiat Antidotus solida.

X ANNO-